



**ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ԼԵԶՎԻ ԿՈՄԻՏԵԻ ՆԱԽԱԳԱՀ
ՀՐԱՄԱՆ**

22 մարտի 2024 թվական, 16

Ք. Երևան, Կիկյան 16

**ՎԱՐՉԱԿԱՆ ԻՐԱՎԱԽԱՆՏՄԱՆ ՎԵՐԱԲԵՐՅԱԼ
ՎԱՐՈՒՅԹ ՀԱՐՈՒՅՆԵԼՈՒ ՄԱՍԻՆ**

Հիմք ընդունելով Հայաստանի Հանրապետության լեզվի կոմիտեի վարչական իրավախախտումների բաժնի գլխավոր մասնագետ Սեդա Շահվերդյանի 2024 թվականի մարտի 22-ի հաղորդումը «Պավել Զախարչենկո» ԱԶ՝ Հայաստանի Հանրապետություն, Լոռու մարզ, ք. Վանաձոր, Տիգրան Մեծի 20/1 հասցեում գործող «Սոլենոիդփաբ» բարում Վարչական իրավախախտումների վերաբերյալ Հայաստանի Հանրապետության օրենսգրքի 189³-րդ հոդվածով նախատեսված՝ ցուցանակները ոչ հայերեն ձևավորելը զանցակազմին համապատասխանող դեպքի վերաբերյալ և ղեկավարվելով «Պետական կառավարման համակարգի մարմինների մասին» Հայաստանի Հանրապետության օրենքի 9-րդ հոդվածի 3-րդ մասի 25-րդ կետով, «Լեզվի մասին» Հայաստանի Հանրապետության օրենքի 6-րդ հոդվածի 2-րդ մասի 2-րդ կետի «ա» ենթակետով, Վարչական իրավախախտումների վերաբերյալ Հայաստանի Հանրապետության օրենսգրքի 9-րդ հոդվածով, 254-րդ հոդվածի 1-ին մասի 6-րդ կետով, 255-րդ հոդվածով՝

ՀՐԱՄԱՅՈՒՄ ԵՄ

1. Հայաստանի Հանրապետության լեզվի կոմիտեի վարչական իրավախախտումների բաժնի պետ Լիլիթ Հարությունյանին՝ ապահովել վարչական իրավախախտման վերաբերյալ վարույթի հարուցումը «Պավել Զախարչենկո» ԱԶ-ում:

2. Հայաստանի Հանրապետության լեզվի կոմիտեի վարչական իրավախախտումների բաժնի գլխավոր մասնագետ Սեդա Շահվերդյանին և ավագ մասնագետ Գոհար Մանթաշյանին՝

1) պարզել Վարչական իրավախախտումների վերաբերյալ Հայաստանի Հանրապետության օրենսգրքի 189³-րդ հոդվածով նախատեսված՝ ցուցանակները ոչ հայերեն ձևավորելը զանցակազմին համապատասխանող դեպքի առկայությունը «Պավել Զախարչենկո» ԱԶ՝ Հայաստանի Հանրապետություն, Լոռու մարզ, ք" Վանաձոր, Տիգրան Մեծի 20 հասցեում գործող «Սոլենոիդիաբ» բարում.

2) «Պավել Զախարչենկո» ԱԶ՝ Հայաստանի Հանրապետություն, Լոռու մարզ, ք. Վանաձոր, Տիգրան Մեծի 20/1 հասցեում գործող «Սոլենոիդիաբ» բարում Վարչական իրավախախտումների վերաբերյալ Հայաստանի Հանրապետության օրենսգրքի 189³-րդ հոդվածով նախատեսված՝ ցուցանակները ոչ հայերեն ձևավորելը զանցակազմին համապատասխանող դեպքի առկայության, ինչպես նաև լեզվի բնագավառում այլ իրավախախտումներ հայտնաբերելու (բացահայտելու) դեպքում օրենքով սահմանված կարգով հարուցել վարչական իրավախախտման վերաբերյալ վարույթ և արձանագրել վարչական իրավախախտման դեպք(եր)ը, վարչական իրավախախտման վերաբերյալ արձանագրությունը կազմելիս ապահովել անհատ ձեռնարկատեր Պավել Զախարչենկոյի ներկայությունը:

3. Հրամանի կատարման ժամկետը՝ 2024 թվականի մարտի 25-ից 2024 թվականի ապրիլի 19-ը:



ՍԻՐԱՆՈՒՇ ԴՎՈՅԱՆ